

CLASSIS SEPTIMA

CAUSTICA.

Quæ urunt, rodunt, consumunt partes corporis, lu-
mani, quibus applicantur, CAUSTICA dicun-
tur. Hæc vero duplicia sunt, actualia vel potentialia:
priorum etiam in cadaver actio est, ignis enim omnia
consumit: posteriorum solum in corpus vivens: fune-
stum hinc omen, dum non urunt amplius vesicatoria.

Dux potentialium, de quibus hic unicus sermo,
classes constituuntur.

I. Rubefacientium.

*II. Cathereticorum, seu escharoticorum vel rupto-
riorum est. Quibus in morbis quæque indicentur, sub
speciebus dicetur.*

I. RUBEFACIENTIA.

Quæ maiori ad partem corporis, cui applicata fuere,
concitato per stimulum, quem habent, humorum
affluxu, rubere partem faciunt, RUBEFACIEN-
TIA, Epispastica; quæ pustulas, aut vesicas excitant,
VESICANTIA, vel vesicatoria appellantur.

Indicantur. *I.* In avertenda in partem nobilem, vel irritabilem humorum fluxione: sic in oculorum, dentium, auricularum morbis, locis retro aures, vel nuchæ agglutinantur, CHARMETTON, licet in dolore dentium vehementiori arteriæ temporali nonnulli, alii maxillæ angulo imponant.

II. In evocando impacto ex parte quadam humore, ut in iisdem morbis, tum in doloribus rheumaticis, arthriticis, ischiadicis, &c. An convenient in morfu venenato? bonus ab his effectus observatus in *Act. Nov. Acad. N. C.* quem haud placere video CHARMETTON. an recte?

III. In revocando humore repulso, ut in podagra retropulsa &c. ulceribus manantibus capitis exsiccatis, & inde maiori orto malo, epilepsia &c. L. B. van SWIETEN. Sed tum parti, unde repulsus humor, applicanda sunt.

Contra indicantur vero in bubone venereo, tumore scrophuloso, CHARMETTON. Forma varia solida, cataplasmatica, emplastica.

EX VEGETABILIBUS.

Allium.
 Arum.
 Cyclaminus.
 Clematis.
 Esula.
 Euphorbium.
 Flammula.
 Piper.
 Pyrethrum.

Ra-

Ranunculi.

Raphanus Rusticanus.

Ruta.

Sinapi.

Staphysagriae semen.

EX ANIMALIBUS.

Cantharides.

Stercus Columbarum.

EX COMPOS. OFFICINALIBUS.

Fermentum Panis.

Emplastrum Vescicatorium.

Si ablata a vesicante facta vesica, effuso humore, siccare consilium, primo mollia, pingua digestiva, dein exsiccantia imponuntur; si partem attracto humore ulterius perfundi opus, leniora rubefacientia, digestiva stimulantia admoventur; & hæc quidem omnia pro intentione medentis varia esse solent.



II, CA-

II. CATHAERETICA

SEU

ESCHAROTICA.

Hæc fibras corporis omnes, tam cutaneas, quam carneas, & alias destruant.

Indicantur *I.* Si fungosa in ulcere haud sensibili caro, coalitum impedit.

II. Si carnis vegetatio, vel excreſcentia, ultra æquabilem partis ſenſibilis naturaliter conſtituta ſuperficiem emineat, ut in morbis palpebrarum, ficu, verruca, ectropio, in morbis oculorum, encanti, pterygio completo; in morbis narium, oris, ani, partium genitalium utriusque ſexus, CHARMETTON. Q. c.

III. In gangræna humida, applicatis incaſſum optimis & indicatiſſimis ſpirituofis, IDEM.

IV. In tumore frigido ex congeſſione humorum orto, ſcirrhoſo quocunq; etiam glandulari indolente, tum bubone venereo, peſtilentiali, ſcrophuloſo, tumore critico maligno, IDEM. Alias indicationes vide in T. III. de argento, ubi de lapide infernali fermo.

Contra indicantur *I.* In morbis complicatis, ut in ulceribus malignis, maxime cancroſis. CHARMETTON.

II. In venereis, peſtilentialibus, ſcrophuloſis, iuncturas, tendinoſas ligamentofaſque partes, vel etiam glan-

glandulosas inflammatas, duras, inæquales, vicinis ad-
hærentes, o cupantibus. IDEM.

III. In ulceribus carie exceptis, in his etiam cariem
auferre intent. O IDEM.

IV. In magnis Polypis.

L E N I O R A.

Euphorbium	}	Ex Veget.
Iris florentina		
Sabina.		
Cineres clavellati.		
Alumen ustum.	}	Ex fossil.
Borax		
Calx viva.		
Calx veneris.		
Ærugo.		
Ochra.		
Vitriolum album.	}	
Cyprinum.		

COMPOSITA OFFICINALIA.

Aqua Phagadænica.
Balsamum Martiatum.
Oleum Tartari p. d.
Unguentum Ægyptiacum.

F O R T I O R A.

Arfenicum album.

A multis chirurgis adhibitum verum venenum est,
quod hoc scopo applicatum totius corporis tremorem
induxit MONRO. L. c. quare raro & caute adhibendum.

Au-

Auripigmentum.

Realgar.

Mercurius præcipitatus Albus.

Ruber.

Sublimatus corrosivus.

Et hæc sæpe salivationem induxere MONRO L. c.

Spiritus acidi concentrati.

Nitri.

Salis.

Vitrioli.


Hi vel puri, vel gleba metallica divites applicantur, sed substantia metallica imprægnati ossium cariei adhibiti, violentos dolores, sæpe convulsiones causavere. MONRO. l. c.

Butyrum Antimonii.

Lapis causticus.

Infernalis.

Et horum quidem omnium, & pro conditione partium, cui applicanda, & pro aliarum circumstantiarum ratione, forma, lenitas, activitas, variare multum solent. Tutissimè vero omnium applicari potest lapis infernalis: Reliqua enim ulceri adhibita in totam eius superficiem agunt æqualiter, lapis autem infernalis singulis punctis potest applicari, L. B. VAN SWIETEN.



CLAS-